

Na osnovu člana 27. stav 1. alineja 6. i 37. stav 2. Zakona o ustanovama („Službeni list RBiH“ broj: 6/92, 8/93 i 13/94 ), člana 40. stav (1) tačka f) Pravila Javne ustanove Sarajevska filharmonija (broj: 195/02/UO/18 od 26.02.2018. godine) Upravni odbor na sjednici održanoj 30.11.2023. godine donosi:

**PRAVILNIK**  
**o načinu prodaje i cijenama ulaznica**  
**Javne ustanove Sarajevska filharmonija**

**Član 1.**

**(Predmet pravilnika)**

Pravilnikom o načinu prodaje i cijenama ulaznica Javne ustanove Sarajevska filharmonija (u daljem tekstu: Pravilnik) se definiše način prodaje i visina cijena ulaznica za programe Javne ustanove Sarajevska filharmonija (u daljem tekstu: Filharmonija), kao i kriterij za dodjelu besplatnih ulaznica i pozivnica.

**Član 2.**

**(Način prodaje ulaznica)**

Prodaja ulaznica za programe Filharmonije se vrši putem online sistema kupikartu.ba i na njihovim prodajnim mjestima, te se ostvareni prihod direktno uplaćuje na depozitni račun Kantona Sarajevo, za budžetsku organizaciju JU Sarajevska filharmonija, u skladu sa zaključenim ugovorom.

**Član 3.**

**(Cijene ulaznica)**

(1) Cijene ulaznica za programe Filharmonije utvrđuju se u iznosu kako slijedi:

Kategorija mjesta u gledalištu	Cijena
Balkon i galerija	10,00
Parter	20,00
Lože	30,00

(2) Izuzetno od stava (1) ovog Pravilnika, za specifične programe utvrđuju se cijene ulaznica kako slijedi:

Kategorija mjesta u gledalištu	Novogodišnji koncert	Dječiji koncert
Balkon i galerija	70,00	5,00
Parter	80,00	5,00
Lože	90,00	5,00

**Član 4.**

**(Izmjene cijene karata)**

(1) Upravni odbor pojedinačnom odlukom može cijenu karata utvrditi na drugačiji način u odnosu na cijene propisane u članu 3. ovog Pravilnika, a u zavisnosti od produkcijske i tehničke kompleksnosti izvođenja programa.

(2) Ukoliko je izvođenje nekog programa humanitarnog karaktera, Upravni odbor može donijeti odluku da se cjelokupan prihod ostvaren od prodatih ulaznica preusmjeri za realizaciju humanitarne akcije.

**Član 5.**  
**(Besplatne ulaznice)**

- (1) Određeni broj ulaznica može se dijeliti besplatno.
- (2) Ukupan broj besplatnih ulaznica ne može iznositi više od 30% od ukupnog broja ulaznica predviđenih za salu u kojoj se program realizira.
- (3) O potrebi i razlozima za dodjelu dodatnog broja besplatnih ulaznica odluku donosi Upravni odbor.

**Član 6.**  
**(Dodjela ulaznica)**

- (1) Besplatne ulaznice se dodjeljuju:
- osobama sa pozivnicama,
  - radnicima Filharmonije,
  - spoljnim saradnicima,
  - autorima-učesnicima predstava,
  - učenicima osnovnih i srednjih škola,
  - studentima akademija i fakulteta,
  - medijskim i poslovnim partnerima,
  - sponzorima,
  - socijalno ugroženim kategorijama društva,
  - u drugim slučajevima kada je to u interesu Ustanove.

**Član 7.**  
**(Izmjene i dopune pravilnika)**

Izmjene i dopune ovog Pravilnika vrše se na način i po postupku propisanim za njegovo donošenje.

**Član 8.**  
**(Objava i stupanje na snagu pravilnika)**

- (1) Pravilnik stupa na snagu danom objavljivanja i objavit će se na web stranici [www.saph.ba](http://www.saph.ba) i Službenim novinama Kantona Sarajevo.
- (2) Stupanjem na snagu Pravilnika prestaje da važi Pravilnik o načinu određivanja i dodjele gratis ulaznica idodjeli pozivnica JU Sarajevska filharmonija br. P-01-06/05 od 14.06.2005. godine.

Predsjednik Upravnog odbora

red. prof. Alisher Sijarić  
SARAJEVSKA FILHARMONIJA  
Oljeta Kulina Banas

Datum: 30.11.2023. godine  
Broj: 144/11/UO/23